

Archwilio Ein Byd

Pobl Arbennig



Archwilio Ein Byd

Pobl Arbennig

Tania ap Siôn a Leslie J Francis
Darluniwyd gan Phillip Vernon



Bear Lands Publishing

Aled a Siân

Mae Aled a Siân wrth eu bodd yn gwneud pethau cyffrous ac yn archwilio'r byd o'u cwmpas. Yn y gyfres *Archwilio Ein Byd*, mae Aled a Siân yn rhannu rhai o'u profiadau gyda'u ffrindiau, Cristnogol, Hindŵaidd, Iddewig a Mwslimaidd. Mae Aled a Siân hefyd yn mwynhau gwrandao ar storïau eu ffrindiau ac yn dysgu sut mae'r rhain yn perthnasu â'u storïau nhw eu hunain. Mae hyn yn helpu'r ffrindiau ddod i adnabod ei gilydd yn well.

Mae'r gyfres yn cymryd arwyddocâd cymdeithasol crefydd o ddifrif, ac mae'n seiliedig ar ymchwil helaeth i sut mae plant yn dysgu amdany'n nhw eu hunain, am bobl eraill, ac am y byd maen nhw'n byw ynddo.

I ategu'r gyfres hon o lyfrau stori, mae amrywiaeth eang o adnoddau ar gyfer plant ac athrawon, y gellir eu llwytho i lawr am ddim, ac maen nhw ar gael ar hwb.wales.gov.uk/Adnoddau a st-marys-centre.org.uk

Mae'r llyfrau stori a'r gweithgareddau wedi'u hanelu at blant 3 - 5 oed a phlant 5 - 7 oed, ond mae'r adnoddau sy'n bosib eu llwytho i lawr yn gwneud y gyfres yn berthnasol i blant iau a phlant hŷn hefyd.

Cyhoeddwyd gan Bear Lands Publishing, Canolfan y Santes Fair, Llys Onnen, Abergwyngregyn, Gwynedd, LL33 0LD, Wales.

Hawlfraint © Tania ap Siôn a Leslie J Francis (testun), Phillip Vernon (darluniau).

Mae Tania ap Siôn, Leslie J Francis, a Phillip Vernon wedi mynnu eu hawl o dan Ddeddf Hawlfraint, Dyluniadau a Phatentau 1988, i gael eu nodi fel awduron y gwaith hwn.

Cyfieithwyd gan Nant Roberts.

Cedwir pob hawl. Ni chaniateir i unrhyw ran o'r cyhoeddiad hwn gael ei atgynhyrchu, na'i gadw mewn cyfundrefn adferadwy, na'i drosglwyddo mewn unrhyw ddull na thrwy unrhyw gyfrwng, electronig, electrostatig, tâp magnetig, mecanyddol, ffotogoptio, recordio, nac fel arall, heb ganiatâd llawn Bear Lands Publishing a deiliaid yr Hawlfraint.

Cyhoeddwyd gyntaf 2016.

Noddir gan Lywodraeth Cymru.

Teitlau'r gyfres *Archwilio Ein Byd* yw:

Plant 3 – 5 oed
Dathliadau
Fi fy hun ac Eraill
Adegau a Thymhorau

Plant 5 – 7 oed
Teithiau
Pobl Arbennig
Arwyddion a Symbolau





Mae Aled a Siân yn dweud wrth eu ffrindiau am eu hymweliad arbennig i weld y nyrs yn y Ganolfan Iechyd.




Fe wnaethon nhw siarad gyda'r nyrs. Roedd y nyrs yn gwisgo iwnifform smart iawn. Fe wnaethon nhw weld ei bathodyn enw.



Fe ddywedodd y nyrs wrthyn nhw mai ei gwaith hi oedd helpu pobl i fyw bywyd iach.



Fe rolodd Aled a Siân eu llewys i gael pigiad gan y nys. Fe aeth y ddau â thystysgrif bob un adref gyda nhw i gofio am y diwrnod.



Roedd Aled a Siân yn llawn cyffro ynghylch gweld y nyrs. Nawr, maen nhw eisiau clywed hanes eu ffrindiau hefyd.



Mae Peter a Mary'n dweud wrth Aled a Siân am eu hymweliad arbennig i weld y ficer yn yr eglwys.



Fe wnaethon nhw siarad gyda'r ficer. Roedd y ficer yn gwisgo casog ddu. Fe wnaethon nhw weld ei choler wen.



Fe ddywedodd y ficer wrthyn nhw mai ei gwaith hi oedd helpu pobl i fyw bywyd Cristnogol iach.



Fe benliniodd Peter a Mary i dderbyn bendith gan y ficer. Fe aeth y ddau â chroes fach bob un adref gyda nhw i gofio am y diwrnod.



Mae Nathan a Rachel yn dweud wrth Aled a Siân am eu hymweliad arbennig i weld y rabi yn y synagog.



Fe wnaethon nhw siarad gyda'r rabi. Roedd y rabi'n gwisgo siôl weddio. Fe wnaethon nhw weld llawer o daselau ar y siôl.



Fe ddywedodd y rabi wrthyn nhw mai ei gwaith hi oedd helpu pobl i fyw bywyd lldewig iach.



Fe safodd Nathan a Rachel i wrando ar y rabi'n darllen y Torah. Fe aeth y ddau â sgrôl fach bob un adref gyda nhw i gofio am y diwrnod.




Mae Ahmed a Salma'n dweud wrth Aled a Siân am eu hymweliad arbennig i weld yr imam yn y mosg.



Fe wnaethon nhw siarad gyda'r imam. Roedd yr imam yn gwisgo tiwnig lliw golau. Fe wnaethon nhw weld ei gap gweddïo gwyn.



Fe ddywedodd yr imam wrthyn nhw mai ei waith ef oedd helpu pobl i fyw bywyd Mwslimaidd iach.



Fe benliniodd Ahmed a Salma i weddio gyda'r imam. Fe aeth y ddau â mat gweddio bach bob un adref gyda nhw i gofio am y diwrnod.



Mae Rajeev a Meena'n dweud wrth Aled a Siân am eu hymweliad arbennig i weld yr offeiriad yn y deml.



Fe wnaethon nhw siarad gyda'r offeiriad. Roedd yr offeiriad yn gwisgo mantell laes. Fe wnaethon nhw weld y marc ar ei dalcen.



Fe ddywedodd yr offeiriad wrthyn nhw mai ei waith ef oedd helpu pobl i fyw bywyd Hindwâidd iach.



Fe safodd Rajeev a Meena'n llonydd i dderbyn bendith gan yr offeiriad. Fe aeth y ddau â Ganesh bach bob un adref gyda nhw i gofio am y diwrnod.



Fe wnaeth Aled a Siân fwynhau gwrando ar eu ffrindiau Peter a Mary, Nathan a Rachel, Ahmed a Salma, a Rajeev a Meena.



Fe wnaethon nhw ddychmygu gweld y ficer yn yr eglwys, y rabi yn y synagog, yr imam yn y mosg, a'r offeiriad yn y deml.



Fe glywodd Aled a Siân sut mae crefyddau'r byd yn helpu pobl i fyw bywyd iach yng Nghymru.



Mae Aled a Siân yn archwilio pobl arbennig ac maen nhw'n ymweld â nyrs yn y Ganolfan Iechyd. Pan fyddan nhw'n dod yn ôl, mae Aled a Siân yn dweud yr hanes am eu hymweliad wrth eu ffrindiau, ac maen nhw'n gwrando ar storïau eu ffrindiau hefyd. Wrth i'r storïau ddatblygu, mae Aled a Siân yn dechrau gweld sut mae crefyddau'r byd yn helpu eu ffrindiau i fyw bywyd iach.

